

Истанбулда «Ўзбекистон уйи»ни қайта қуриш масаласи кўриб чиқилди



12:00 / 28.01.2021 1161

Мамлакатимизнинг Истанбулдаги Бош консуллиги Бош вазир муовини Азиз Абдуҳакимов бошчилигидаги Ўзбекистон делегациясининг шаҳар мэриясининг маданият бошқармаси қошидаги «Туркистон дунёси маданияти мавзеси» мажмуасига ташрифини уюштирди. Бу ҳақда «Дунё» ахборот агентлиги хабар берди.

Ташриф ҷоғида асосий эътибор «Зиёрат туризми»ни тарғиб қилишнинг мавжуд имкониятлариiga қаратилди.

Истанбул вилояти Маданият бошқармаси раҳбарлари билан ўтказилган музокаралар ҷоғида миллий услубда тақдим этилган «Туркистон дунёси маданияти мавзеси»даги «Ўзбекистон уйи»ни қайта қуриш, хусусан, уни янги экспонатлар билан жиҳозлаш масаласи кўриб чиқилди.

Бундан ташқари, учрашув якуни бўйича Самарқанд, Бухоро, Хива ва бошқа шаҳарларнинг тарихий мероси ҳақидаги маълумотларни жамоатчиликка кенг тарғиб этиш, жумладан, қўшма маданий дастурлар ўтказиш ва ўзбекистонлик ижодий жамоаларни жалб этиш бўйича шартномалар тузишга қаратилган аниқ тадбирлар режалаштирилди. Шу билан бирга, Туркия ва Ўзбекистонда туристик саёҳатларни тарғиб қилиш учун реклама экранлари ва билбордлардан биргаликда фойдаланиш истиқболлари муҳокама қилинди.

Туризм давлат қўмитаси ва Бosh консуллик ходимлари ўзбек диаспораси вакиллари билан бир қатор учрашувлар ўтказиб, унда маҳсус тайёрланган теледастурлар, сериаллар ва мусиқий видеороликларни намойиш этиш орқали мамлакатимизнинг сайёҳлик ва сармоявий салоҳиятини оммабоп турк матбуотида тарғиб қилишни муҳокама қилдилар.